




MIGRANTSKA KRIZA Reporteri „Avaza“ na dionici Višegrad - Užice



Pripadnici **SIPA**-e kontroliraju taksi vozilo

(Foto: A. Durgut)



I srbijanska granična policija pojačala kontrole vozila

Nema dovoljno graničara, u pomoć pozvali SIPA-u!

Nekoliko kilometara prije GP Vardište, službenici **SIPA**-e zaustavili taksi vozilo

Jedno od mjesta iz kojih migranti najčešće ulaze u BiH jeste Užice, grad na zapadu Srbije. Udaljen 60 kilometara od Višegrada, ovaj gradić idealna je prolazna stanica za izbjeglice iz Pakistana, Afganistana, Sirije, Alžira, Maroka...

Reporter "Dnevnog avaza" patrolirali su od Višegrada do Užica, gdje smo se na terenu uvjerali u pojačane kontrole i bh. granične policije, ali i njihovih kolega sa srbijanske strane. Našim graničarima, kojih nedostaje stotine, u pomoć su pritekli i pripadnici Državne agencije za istrage i zaštitu (**SIPA**).

Šumski put

Nekoliko kilometara prije graničnog prijelaza Vardište, upravo službenici **SIPA**-e zaustavili su taksi vozilo i detaljno ga pregledali. Sklonjeni su s glavne ceste nekoliko metara na šumskom putu.

Situacija je podignuta na najviši mogući nivo, osim prijelaza, patroliramo redovno i radimo na terenu, presretanjem sumnjivih vozila - kaže jedan od bh. graničara.

Otkriva nam da im stiže pojačanje s manje rizičnih graničnih prijelaza, odnos-



Mane, Hašif, Muhamed i Ali s našim novinarom: Došli iz Užica iz Srbije

no s onih teritorija koje nisu izložene migracijama.

- Nedostaje nam 50 ljudi najmanje, da bismo pokrili minimum - kaže nam on.

Također, na izlazu iz Višegrada patrola MUP-a RS kontrolira teretna vozila. Dobivamo informaciju da su uvezani s graničarima.

Na samom graničnom prijelazu, neobičajeno detaljan pregled vozila, što smo i sami osjetili. Do Užica tridesetak kilometara, ordiniraju tri patrola Granične policije Srbije. Zaustavljaju svako vozilo u kojem bi se mogli nalaziti migranti, kombije, kamione, autobu-

se, ali i automobile.

U Užice ekipa „Avaza“ stiže u popodnevnom satima, kada na autobusku stanicu stiže i autobus iz Beograda. Vatrogasci nam otkrivaju da je grupa migranata prije dva dana napustila njihov grad, a da su se bili smjestili ispod mosta nedaleko od autobuske stanice.

- Bilo ih je dvadesetak - kaže nam vatrogasci.

Na autobuskoj stanici taksi štand. Taksisti uvijek sve znaju.

- Eno onaj u plavoj jakni, on im je uzimao po sto eura da ih vozi do granice - govori nam taksista Bane i nastavlja:

- Bilo je ovdje u ovom napuštenom objektu po pedeset njih. Ali, zadrže se dva-tri dana i odoše dalje.

U blizini autobuske stanice je i Crveni križ s narodnom kuhinjom, gdje migr-

anti dobiju obrok, malo se okrijepe i nastavljaju dalje.

- Najčešće dođu ovim autobusom Beograd - Užice. Spavaju i pod mostovima, ali se ne udaljavaju puno od stanice - kaže Bane.

Traže makar deke

napuštenom skla koje nam je otkrio Bane, nalazimo nekoliko odbačenih folija, koje su koristili migranti kako bi se zagrijali.

U večernjim satima po povratku iz Užica dobivamo informaciju da iz Beograda u Sarajevo stiže autobus u kojem se nalazi manja grupa izbjeglica. Oko 22.30 sati, na autobusku stanicu dolazi autobus redovne linije iz kojeg izlazi manja grupa migranata.

S njihovim drugovima koji ih čekaju na staciji razgovaramo neposredno prije dolaska autobusa. Mane, Hašif, Muhamed i Ali upravo su iz Užica stigli u Sarajevo. Umotani u deke čekaju autobus iz Beograda.

- Spavamo ovdje na željezničkoj stanici. Hladno je. Imamo nešto hrane i vode, neki nam ljudi svaku večer donesu - kažu oni.

Mane, Hašif i Ali su iz Pakistana, Muhamed iz Afganistana. Tražili su i od nas bilo kakvu pomoć. Makar deke.

E. TRAKO

Migranti se iz Bihaća vraćaju u Sarajevo

S obzirom na to da je Hrvatska pojačala granične kontrole, migranti koji su se iz Sarajeva prebacili do Bihaća nemaju opciju nego da se vrate u

Sarajevo. Pokazuje to i primjer dvojice Sirijaca koji su jučer potražili pomoć čak i od ekipe „Avaza“ da ih preveze u Hrvatsku?!



Dohivaju hranu i piće na željezničkoj stanici u Sarajevu